

醫方類聚卷之八十四

四肢門二

衛生寶鑑

肢節腫痛

真定府張大年二十有九素好嗜酒至元辛

未五月間病手指節腫痛屈伸不利膝臏亦

然心下痞滿身體沉重不欲飲食食即欲吐

面色痿黃精神減少至六月間來求予治之

診其脉沉而緩緩者脾也難經云膴主體重

類聚 八十四
一
節痛踰者脾之所主四肢屬脾蓋其人素飲酒加之時助濕氣大勝流於四肢故為腫痛內經云諸濕腫痛皆屬脾土仲景云濕流關節肢體煩痛此之謂也宜以大羌活湯主之內經云濕淫於內治以苦溫以苦發之以淡滲之又云風能勝濕羌活獨活苦溫透關節而勝濕故以為君升麻苦平葳靈仙防風蒼朮苦辛溫發之者也故以為臣血壅而不流則痛當歸辛溫以散之甘草甘溫益氣緩中

澤瀉鹹平茯苓甘平導濕而利小便以淡滲之也使氣味相合上下分散其濕也

大羌活湯

羌活

升麻

各二錢

獨活

七分

蒼朮

防風

去蘆

又葳靈仙

去蘆白朮

當歸

白茯苓

去皮澤瀉

瀉各半錢

右拾味咬咀作壹服水二盞煎至壹盞去粗濫服食前壹服食後壹服忌酒麵生冷硬物

潤肌膏治手足皴澁皮膚裂開疼痛不能迎風入手屢用屢效故錄於此

珠子青

兩

白黃蠟

錢八

乳香

錢二

右於鐵鑊內先下瀝青燻手下黃蠟乳香次入麻油一二匙俟瀝青溶開微微熬動放大淨水盆於其旁以攪藥用鐵錁滴一二點於水中試之如硬入少油看硬軟合宜新絲濾於水中揉扯以白為度磁器內盛或油紙裏每用先火上炙裂口子熱捻

膏合藥亦火上炙軟滄裂口上用紙少許貼

之自然合矣○拔粹方治手足皴裂疼痛

愈藤青

兩

黃蠟

錢八

乳香

錢二

右三味同於鐵鍋

內內文武火熬次入小油一二匙旋滴於水中試之如硬更入油硬軟合宜濾於水中並磁器內放每用火上炙軟裂子上貼紙封

聖濟總錄

足三陰經皆起於足氣血沮而不行潰於指

甲之間能成甲疽凡以經絡之所流注非特
 肌肉之病也故或得於剪甲傷肌或得於中
 長侵肉或得於屢舄之不適使血氣沮遏不
 通故腐潰為疽久則浸淫爛指上引於腕膝
 之間而瘡疱者是已然病在四末不必治其
 內惟塗傅滌濯去惡而除穢及適其行履則
 愈

治甲疽日夜倍增赤肉生甲邊裏甲者藺茹
 膏方

藺茹 各二兩 黃耆 各二兩 豬脂 半斤

右三味先咬咀如豆以苦酒浸壹宿與豬
 脂壹處微火上煎取三合絞去滓以塗瘡
 上日三兩度其赤肉即消散

治甲疽及諸癰疽惡瘡有肉息豬蹄湯方

豬蹄 壹隻生者 白欵 白芷 狼牙 芍藥 各兩
 黃連 黃芩 大黃 獨活 各二兩

右八味咬咀如豆先以水三斗煮豬蹄水
 至壹斗二升去蹄後入藥更煮至五升候

溫洗瘡日三度

治甲疽多年不差努肉膿血疼痛烏梅散傳方

烏梅十枚

燒灰

右壹味研為散傳瘡上日三易

治甲疽黃者散傳方

黃耆

剉 蛇蛻皮

炙令焦 各壹兩

右二味搗羅為散傳瘡上日三五度

居家必用

脚手皴裂成瘡者用敗荷葉梗燒灰存性合

頭垢煎桐油熟和為稠膏捺成壹片臨用

時切作小條塞裂縫中如糝雪比又用五

倍子末牛髓和傅

必用全書 之書同

闕甲疼痛不能行履者用橘皮煎濃湯浸良

久甲肉自相離輕手剪去細碾虎骨末傅

其痛即止大有神效

必用全書

宮內縮蓮步捷法蕎麥稗不拘多少燒作灰

用水淋取濃汁如醞醋色方可用礶砂白
 茯苓藁本三味等分爲細末每用三大錢
 藥末用前灰汁三大椀於砂鍋內同煎數
 沸乘熱如常洗脚淋滌至溫又添熱者浸
 滌不過數次自然柔軟易扎矣或於脚面
 生小小瘡勿疑乃是毒氣出耳却以訶子
 研爲細末付之卽差此方出於至人神妙
 之甚不可盡述三十歲婦人亦可爲之用
 之書
 同

金蓮穩步膏地骨皮同紅花爛研極細如鷄

眼痛處付之成瘡者次日結掩必用之書同

南北經驗方

張子和方治手足裂白芨不拘多少爲末水

調塗裂處袖珍方神效名方衛生易簡方同急救仙方又云點參五日不

犯水

永類鈴方

指爪

誤傷指碎痛欲絕煨葱擣爛包之效

治嵌甲枯丹末貼之

治手足皸裂椒二兩煮水去滓漬半時久出

令燥復浸之乾却塗猪羊腦髓極妙

臍鵝膏椒熬塗

五倍子白及阿膠炒等分爲末津調得所塗

羊臍調尤佳

又打銀作鉛糖加清油煎入燒頭髮灰和均

川水淨洗却入藥滄縫內經驗良方同

雜病臂痛

臂痛多日風其脉濡而來反急明其濕用蒼

朮附子各等分木香乙分姜煎帛蓋屋上

露星壹宿次日重湯煖服愈續易簡

臂腫重非風也乃濕也用局方防已黃芪湯

小便壹行而愈蓋防已能利小便去濕也

簡易臂痛作風治用十味劉散

一女子兩手足自四末痺至肱膝方痛而不

省人事作痰氣服四七湯愈

經驗良方

治臂痛右桑枝細切壹小升炒香以水三大升煎取二升日服數次安

手脚折裂

治冬月手足折裂臘月鵝膏椒數粒熬過收用時取出傅拆處

又方用治瘡勝金丸研細清油調傅之

治脚拆俗名脚皸用巴豆二十壹粒去殼清

油二兩煎豆黑色去豆用黃丹壹兩半入

油慢火熬攪勻作膏煎冬橘葉湯洗淨塗

之

神應散治春夏間脚指又濕爛或婦人有此

明礬

叁錢半
火飛黃丹

右壹處研細每以少許滲之經夕便乾

治草鞋咬脚生瘡右用所穿草鞋繩燒灰摻之及清油調塗或用津唾與鼻涕塗之爲

妙

治皸藥右用無名異爲細末煎真桐油調塗即可下水不痛

類聚
卷之四
八

治斷跟軟藥

馬蹄修下者 燒灰 猫兒毛燒 男子頭垢燒 灰

右和勻清油調塗用絹帛護定休著水極能定疼除根先煎蓼根及莖樟木葉湯洗令淨潔

治嵌甲膿出痛不可忍右以薑水口噙噴淨

洗却用局方駐車丸研細傅之

洗手上黃梔諸色入肉

以米醋煮灰汁同洗皆脫

壽親養老書

治手臂疼痛冷重無力虎骨散

虎骨為鹿末炒 羚羊角屑 芍藥二兩

右一處酒浸一宿焙杵為末每服二錢食

前暖酒調下

吳氏集驗方

血竭散治嵌甲生瘡作楚膿出凍瘡破潰知

母燒灰為末乾糝

療嵌甲膿出痛不可忍以薑水口含噴淨洗

類聚

九

却用駐車圓研細傅之

事林廣記

手縫痒煎四物湯研石末少許攪入同服再

煎滓洗之甚妙

山居四要

遠行脚打成泡用水調生麵糊貼過夜即乾

不可穿破

壽域神方衛
生易簡方同

脚裂爛蒸藕研成膏傅之

衛生易
簡方同

又方用五倍子猪脂搗成膏入裂內

凍脚用五倍子煎湯洗

壽域神方衛
生易簡方同

神效名方

治趺方以水調白麵稀稠得所糊趺上以紙

封之明日便乾如不曾破者剝去麩便行

急救仙方

蛇頭指痛不可忍臭不可聞用蜈蚣一條焙

干為末猪膽汁調塗

又方黑豆生用為末却將黃梔子殼一个納

豆末於內籠縛在指頭上即安

治閃拗手足疼痛生薑爛搗和面炒熟盒之

加葱白妙○壽域神方若脚筋急痛用生

薑半斤搗如泥傅痛處衛生易簡方貼裏痛處

穿掌毒新桑葉研爛包盒上即愈

治寒足跟凍爛五月五日午時用姜葱艾指

一時許更不再發矣壽域神方衛生易簡方同

壽域神方

足部

治脚一切疼痛用何首烏為末薑汁調成膏

傳痛處以帛裹之再炙鞋底熨之妙

脚指腫爛如火燒瘡用皂礬飛過為末先以

塩湯洗瘡拭乾傅之妙衛生易簡方同

脚栖爛濕用黃丹炒過傅之

一方蚌粉摻之

一方用枯礬研細摻之

一方以乾茶葉細嚼傅之

一方取荆芥葉搗爛傅之

脚痛成瘡用小蓼煮湯頻淋瘡乾自安衛生易簡

同方

凍跟衛生易簡方治手足皴裂血山疼痛用

及冒涉凍凌面目手足皴壞疼痛用猪腦髓著熱酒中洗之妙

一方取茄根并枯莖葉煎湯洗之妙衛生易簡方煮

湯漬之茄不可多食動氣發痼疾

孤拐疼用甘遂為末不拘多少水調傅腫處

再煎甘草湯壹盞空心服之

雞眼疼用芒硝不拘多少煎湯候溫淋洗次

以皂礬於鐵上火焙候化成汁待冷為末

少許摻於患處

一方用葶薺苗搗爛貼之妙

脚行路疼痛發風腫用樟木皮碾碎炒熱緊

裹於腫痛處

脚底疼用磚燒疼上面鋪稻草將醋淋上熱

氣奔起以脚底就磚上蒸之忍疼半時即

愈

脚底版碗風及竹木觸破用燈上燒熱油滴

上妙

脚疼腫痛以大戟煎水熱淋洗日二次三日安

手瘡部

治蛇頭瘡惡指叉指消毒止痛用鏡面草搗爛調敷患處

治惡指用葱頭三根研碎羊蹄根葉壹片同浸醋內以葉包葱煨熱傅之

治狐刺瘡

方見諸瘡門

衛生易簡方

手足

治手足有傷而犯惡露則不可治惟用薤白爛搗以帛囊之火烘極熱去帛傅瘡以帛急裏冷卽易亦可作餅安瘡上以艾灸之使熱氣入瘡中水下差

治手足指頭害久不愈用雄黃研水塗數次卽愈

治臂腿脛痛用虎脛骨四兩粗搗熬黃羚羊角屑二兩芍藥四兩剉細無灰酒浸春夏

七日秋冬倍之每旦空腹飲壹盃冬間速
要服以銀器盛於火爐中煖養三兩日卽
可服不計深淺皆效

治手足皴裂用獺四足燒灰蜜調塗
又方用鵝尾罌塗擦

治凍瘡及拆破瘡用臘月新死鼠壹枚油壹
升煎之令爛絞去滓再煎成膏塗

治凍脚瘡用乾姜燒灰爲末傅之或用雀腦
髓塗凍破處

治凍瘡用黃蘗爲末乳汁調塗

又方用山藥少許於新瓦上生磨爲泥塗之
治臂腫并腕疼痛用死蛇壹條煮取濃汁用
大筒盛滿浸痛處冷卽再煖浸不過三次
愈

治脚脛風搐用烏頭壹兩炮裂附子二兩炮
麻黃四兩去節同爲末煉蜜丸如桐子大
每服五丸空心酒下日三服忌熱物
備預百要方

伐指瘡方

此瘡其狀失腫癢熱痛色不黯緣爪甲邊結
膿劇者爪甲皆裂黃蠟和松脂火炙籠指
又甘草湯浸
又人屎裹之

四肢鍼灸

斗形三療

搖擗

黃如材壹叟兩手搖擗狀如拽鋸冬月不能

覆被適戴人之舞陽道經黃如不及用藥
針其兩手大指後中注穴止戴人曰自肘
已上皆無病惟兩手搖擗左氏所謂風淫
末疾者此也或刺後谿手太陽穴也屈小
指握紋盡處是穴也

東垣試效方

偏枯二指

陝帥郭巨濟病偏枯二指著足底不能伸迎
先師于京師治之至則以長鍼刺委中深

至骨而不知痛出血一二升其色如墨又
且繆刺之如是者六七次服藥三月病良
愈

肘後方

手足諸病方

葛氏卒五指筋攣急不得屈伸方灸手踝骨
上數十壯

肩臂急痛手不上頭方灸肩外頭近後以手
按之宛宛凹處七壯使愈此是勞家病

人脚無冬夏裂名曰尸脚灸指頭七壯立愈
指忽掣痛不可忍及轉上灸指頭七壯立愈

血病門

目錄

論

金匱方

吐衄下血胸滿瘀血

栝葉湯
黃土湯
赤小豆當歸散
瀉

心湯

千金方

吐血

黃土湯
生地黄湯
堅中湯
澤蘭湯

類聚
卷之八
十一

犀角地黄湯 當歸湯 竹茹湯 赤小

豆散 黃土湯 赤小豆散 乾地黄圓

麥門冬湯

尿血

千金月令

聖惠方

治吐血諸方

伏龍肝散 黃芩散 黃耆散 紫蘇散

地榆散

治卒吐血諸方

甘草散 生乾地黄散 雞蘇散

治止血不止諸方

茜根散 羚羊角散 地榆散 紅藍花

散 刺蘇飲子 鹿角膠

治嘔血諸方

刺薊散 竹茹散 黃耆散 阿膠散

治吐血衄血諸方

竹茹散 麥門冬飲子 藕汁飲子 鬱

類聚
卷之八
十一

金散 雞子白丸 黃芩散

治唾血諸方

雞蘇散 伏龍肝散 石膏散 白茅根

散 白前散 地黃煎

治吐血口乾諸方

杏人散 犀角散 石膏散 生地黃煎

治舌上出血諸方

治九竅四肢指歧間出血諸方

治小便出血諸方

生乾地黃散 栢葉散 鹿茸丸 牡蠣散

治大便下血諸方

桂心散 地榆散 生地黃散 黃芩散

熟乾地黃丸

和劑局方 血證論

必勝散

大全本草

三因方 血證論

類聚

十一

三因吐血證治

桂枝括蕞湯 五苓散 除濕湯 金屑

丹

傷胃吐血證治

理中湯

肺疽吐血證治

二灰散

折傷吐血證治

加味芎藭湯

折傷瘀血證治

雞鳴散

病餘瘀血證治

犀角地黄湯

汗血證治

便血證治

伏龍肝湯

風痢下血證治

胃風湯

料簡

尿血證治

髮灰散 玉屑膏

血病門 二

衛生十全方

是齋醫方

吐血咯血衄血血濺小便血

白朮散 固榮散 掌中金

瑣碎錄

簡易方

安榮

黃耆散 扁豆散 一捻金散 側柏散

必勝散 八正散 導赤散 歸血散

龍腦雞蘇圓 大阿膠圓 天門冬圓

四味圓

直指方 血氣 附吐衄九竅出血

血疾證治

金沸草散 治中湯 五丹圓 沉麝圓

小柴胡湯 桃仁承氣湯 甘草乾姜湯
加減四物湯 黑散子 茅蘇湯 豆蘇
湯 阿膠散 地黃煎 薏苡湯 艾薑
湯 人參湯 蘿蔔飲 血餘散 理中
湯 來復丹 震靈丹 黑錫丹 金液
丹 小烏沉湯 參苓白朮散

朱氏集驗方

失血

三豆湯 槐花散 止衄散 藥皮湯

地黃煎 參香丸 藁本湯 二神湯

薏苡丸 六一散 固榮散 藕汁飲

嚴氏濟生方

失血

茜根散 香墨汁 天門冬湯 大薊散

加味理中湯 雞蘇散

嚴氏濟生續方

吐血嘔血唾血

大薊飲 伏龍肝膏 錦節膏 團參散

類聚八十四

便血

烏梅圓 聚金圓

東垣試效方

衄吐嘔唾血

三黃補血湯 黃耆芍藥湯 人參飲子

麻黃桂枝湯 人參救肺散 麥門冬飲

子

得效方

失血

桂枝栝樓根湯 胃風湯 麻黃升麻湯

犀角地黃湯 小柴胡湯 五苓散 枳

杷葉散 除濕湯 木香勻氣散 蘇合

香圓 止衄散 歸脾湯 天門冬湯

加味理中湯 桂附湯 加味四物湯

大薊散 犀角地黃湯 茜根散 萬金

散 龍腦雞蘇元 三黃元 白朮散

雞蘇散 蓮心散 大阿膠圓 奪命散

花藥石散 雞鳴散 加味芍藥湯 茯

類聚八十四

二十三

苓補心湯 立效散 麝香散 黑神散
川芎三黃散 敗毒散 蘇子降氣湯
天門冬圓 龍骨散 白及散 黃耆建
中湯 菴草汁 側柏散 酒蒸黃連圓
五苓散 茯苓調血湯 薑蜜湯 鹿角
膠圓 髮灰散 鏡面散

澹軒方

酒後吐血
吐血

咯血

心氣咯血

肌衄

尿血

瀉血

草血 蝎血

止血

肘後方

治卒吐血唾血大小便血方

衛生寶鑑

恩袍散 地血散

澹寮方

失血

五苓散 三神烏金散 雙聖圓 獨聖

散

王氏集驗方

治吐血衄血

黃連丸 金櫻酒 人參散 小蘗湯

梔仁散 青黛散 白膠香散

醫方大成

吐血 附咳血衄血

竜腦雞蘇圓 枇杷葉散 三黃元 茯

苓補心湯 四生圓 鵬砂散 黃芩芍

藥湯 赤芍藥湯

下血

敗毒散 胃風湯 黃連香薷散 香連

圓 三黃圓 槐角散

南北經驗方

吐血

門冬飲子 黃芩芍藥湯 犀角地黄湯

生地黄湯

下血

常歸和血散 升陽去熱和血湯 阿膠

湯

袖珍方

諸血

雞蘇丸 團參丸 雙荷散 犀角地黄

湯 辰膠散 芍藥湯 涼血地黄湯

黃連阿膠丸 芎藭湯 經効阿膠丸

當歸地黄湯 生地黄湯 麥門冬散

固勞散 茜根散 涼血地黄湯 麥門

冬飲子 生地黄散 四聲散 黃連散

永類鈴方

雜病失血

理中湯 乾姜甘草湯 神傳膏

吐血咳血衄血

清心蓮子飲

經驗祕方

經驗良方

吐血

柳花散 炙肝散 止紅散 阿膠散

施圓端效方

秋連散 三奇散 黃花散

吳氏集驗方

芥飲子 滲紅圓

事林廣記

理中湯

山居四要

新效方

工茸丸

急救仙方

玉機微義

血證

敗毒散 槐花散 結氣丹 加減四物
 湯 黃芪芍藥湯 麻黃桂枝湯 斷紅
 丸 平胃地榆湯 黃連香薷飲 枇杷
 葉散 胃風湯 升陽和血湯 當歸和
 血散 竜腦雞蘇丸 甘露飲 黃芪散
 犀角地黃湯 四生丸 生地黃散 槐
 角丸 枳殼湯 黃連解毒湯 大金花
 丸 茯苓補心湯 槐角散 雞蘇散
 歸脾湯 麥門冬飲子 赤豆當歸散

伏竜肝湯 髮灰散 玉屑膏 龍骨散
 麝香散 烏梅丸 犀角地黃湯 桃仁
 承氣湯 柢當湯 當歸導滯湯 越鞠
 丸

臞仙活人心

補養飲食

栢湯

血病門 三

壽域神方

類聚
卷之四
三十一

血部

衛生易簡方

吐血

咳血

下血

溺血

金匱鈎玄

御醫撮要

黃耆湯

備預百要方

餘藥無名者散見本方

禁忌

鍼灸

導引

血病門

全匱方

吐衄下血胸滿瘀血病脉證治

師曰尺脉浮曰睛暈黃衄未止暈黃去日睛
慧了知衄今止 又曰從春至夏衄者太陽
從秋至冬衄者陽明 衄家不可汗汗出必
額上陷脉緊急直視不能眴不得眠 病人
面無色無寒熱脉沉弦者衄浮弱手按之絕
者下血煩欬者必吐血 夫吐血欬逆上氣

其脉數而有熱不得卧者死 夫酒客欬者
必致吐血此因極飲過度所致也 寸口脉

弦而大弦則為滅人則為芤減則為寒芤則
為虛寒虛相擊此名曰革婦人則半產漏下
男子則亡血 亡血不可發其表汗出即寒
慄而振 病人胸滿唇痿舌青口燥但欲嗽
水不欲嚥無寒熱脉微大來遲腹不滿其人
言我滿為有瘀血 病者如熱狀煩滿口乾
燥而渴其脉反無熱此為陰狀是瘀血也當

下之

巢氏病源 血病諸候

吐血候

夫吐血者皆由大虛損及飲酒勞損所致也
但肺者五藏上蓋也心肝又俱主於血上焦
有邪則傷諸藏藏傷血下入於胃胃得血則
悶滿氣逆氣逆故吐血也但吐血有三種一
曰內衄二曰肺疽三日傷胃內衄者出血如
鼻衄但不從鼻孔出是近心肺間津出還流

入胃內或如豆汁或如衄血凝停胃裏因卽
滿悶便吐或去數升乃至一斛是也肺疽者
言飲酒之後毒滿便吐吐已後有一合二合
或半升一升是也傷胃者是飲食大飽之後
胃內冷不能消化則便煩悶強嘔吐之所食
之物與氣共上衝蹶因傷損胃口便吐血色
鮮正赤是也凡吐血之後體恒惓惓然心裏
煩躁悶亂紛紛顛倒不安寸口脉微而弱血
氣俱虛則吐血關上脉微而芤亦吐血脉細

沉者生喘欬上氣脉數浮大者死久不瘥面色黃黑無復血氣時寒時熱

吐血後虛熱胃中否口燥候

吐血之後藏府虛竭榮衛不理陰陽隔絕陽虛於上故身體虛熱胃中否則口燥

唾血候

唾血者由傷損肺肺者爲五藏上蓋易爲傷損若爲熱氣所加則唾血唾上如紅縷者此傷肺也脇下痛唾鮮血者此傷肝關上脉微

芤則唾血脉沉弱者生牢實者死

舌上出血候

心主血脉而候於舌若心藏有熱則舌上出血如涌泉

汗血候

肝藏血心之液爲汗言肝心俱傷於邪故血從膚腠而出也

和劑指南

論諸血熱妄行

凡吐血衄血不止昏眩目黃者可與龍腦雞蘇圓薄荷煎四物湯加荆芥煎

三因方

失血敘論

夫血猶水也水由地中行百川皆理則無壅決之虞血之周流于人身榮經府俞外不爲四氣所傷內不爲七情所鬱自然順適萬一微爽節宜必至壅閉故血不得循經流注榮養百脉或泣或散或下而亡返或逆而上溢

乃有吐衄便利汗痰諸證生焉十種走失無重於斯隨證別之乃可施治

簡易方

血論

人之所以滋養其身者唯氣與血血爲榮氣爲衛榮行脉中衛行脉外營周不息五十而復大會陰陽相貫如環無端焉蓋血猶水也水由地中行百川皆理則無壅決之虞血之周流于身上透泥丸下至涌泉灌溉諸經榮

養百脉內不爲七情所鬱外不爲四氣所傷
自然順適萬一微爽節宣則血氣逆亂榮衛
失度背於常經或泣或散或下而忘返或逆
而上行乃有吐衄便利汗痰諸證生焉治各
有條茲不繁引
直指方

下焦蓄血

血之爲病冒悶煩燥迷忘驚狂痰嘔汗多骨
熱肢冷此外證然爾何以知其蓄在下焦曰

臍下結急外熱內痛尺脉洪而數也桃仁靈
脂生地黃北大黃甘草利而逐之

血滯

人之一身不離乎氣血凡病經多日療治不
痊須當爲之調血血之外證痰嘔燥渴昏瀆
迷忘常喜湯水漱口不問男女老少血之一
字請加意焉用藥川芎蓬朮桃仁靈脂生地
黃北大黃爲要嘔甚者多加生薑以此先利
其宿瘀嗣是伏苓伏神川芎甘草調理之

吐血

血隨氣行氣逆而上奔則血不循於經絡而湧吐矣人知吐血出於上焦有熱固也然能用柴胡黃芩蒲黃茅花等輩而不能用枳殼北梗青皮生薑烏梅佐之又不能用通利圓子以開其中脘導其大便則氣如何而下降血如何而下行吾恐逆奔而上有不可得而止之者若夫依前治法血止而後又當以人參川芎當歸茯苓橘皮半夏甘草爲之調理

虛則加木香熱則加柴胡壅則加桑皮荆芥尤在權衡

血論

人具此陰陽卽有此血氣氣陽也血陰也男以陽爲主則陽勝乎陰女以陰爲主則陰勝乎陽氣血之爲病男女則同耳人皆知百病生於氣又孰知血爲百病之胎乎血猶水也水行乎地中百川理則無壅遏之患人之血脉一或凝滯於經絡腸胃之間百病由此而

根矣乍寒乍熱發黃發斑譫妄驚狂煩悶嘔
惡癡痰白汗開熱虛勞尿淋漏崩吐衄咳唾
以至眩運厥冷昏潰迷忘塊痛癢疼起止遺
溺凡此數證非血而何經所謂先去其血然
後調之良有以也夫血得寒則閉澁得熱則
宣流榮氣虛竭風冷交侵固易爲虛勞月閉
之證其若出血等類大抵多因蓄熱致之榮
道一開鮮血亦爲之不禁矣川芎當歸血中
上藥也出血諸證每每以胃藥收功蓋心主

血肝藏血胃者又所以生其血而能使真氣
歸元故其血自止經又云乎血隨氣行氣逆
則血逆於此尤當加意

朱氏集驗方

失血評

血爲榮氣爲衛心生血肝臟血肺主氣榮衛
調和則氣血流轉決無壅滯之虞其或六氣
有傷七情鬱結氣滯經絡則血行失度故有
吐衄之患焉夫失血之證有三一曰內衄二

曰肺疽三日傷胃此證未有不因熱而發蓋
 血遇熱則溢血氣俱熱則血與氣壅故發為
 吐衄也嚴氏濟生方此下云大抵脈扎為失血沉細者易治浮大者難治又
 有感冒得汗後邪氣未解鬱乾經絡隨氣勇
 泄發而為吐衄者有之又有飲酒傷胃遂成
 嘔吐物與氣上腹痛自汗發為吐衄者有之
 故憂愁思慮則傷心心傷則吐衄肺傷則唾
 血或有折傷吐血治之各有方法
 嚴氏濟生續方

吐血嘔血唾血評治

夫吐血嘔血唾血三者皆謂之失血蓋肺主
 於氣心主於血肝藏於血血之與氣營周一
 身相隨上下無有休息者焉儻乖調攝營衛
 差經血隨氣逆遂有妄行之患所致之由因
 大虛損或飲酒過度或強食過飽或飲啖辛
 熱或憂思恚怒洞擾三經而然諸失血之脈
 沉細者易治脈數浮大者難治且唾血一證
 不嗽者易治兼嗽者為難愈謂肺傷故也醫

經云便血猶可止欬血不易醫喉不停物毫髮必欬血滲入喉愈滲愈欬愈欬愈滲飲溲溺者十無一死服寒涼者百無一生以此觀之寒涼之劑不宜過進也前方論治更與後方參而用之庶得萬全耳

便血評治

夫大便下血者多因過飽飲酒無度房室勞損榮衛氣虛風冷易入邪熱易蘊留注大腸則爲下血血色鮮者風也色如小豆汁者寒

也濁而色黯者熱也久而不愈必爲痔漏之疾矣脉來浮弱按之帶乳者下血也治之之法風則散之熱則清之寒則溫之虛則補之所增之方並載于後更與腸風論中加以參訂而用之未有不奏效者也

治病百法

咯血衄血嗽血

夫男子婦人咯血衄血嗽血欬膿血可服三黃丸黃連解毒湯涼扇散加桔梗當歸大煎

齊料時時呷之內經曰治心肺之病最近藥
齊不厭頻而少時時呷之者是也

十形三療

吐血

岳八郎常日嗜酒偶大飲醉吐血近一缶身
黃如橘昏潰發作數日不省漿粥不下強直
如厥兩手脉皆沉細戴人視之曰脉沉細者
病在裏也中有積聚用舟車丸百餘粒濬川
散五大錢大下十餘行狀如葵菜汁中燥糞

氣穢異常忽開兩目伸挽問左右曰我緣何
至此左右曰你吐血後數日不省得戴人治
之乃醒自是五六日必以瀉凡三四次其血
方止但時欬一二聲潮熱未退以涼隔散加
桔梗當歸各秤二兩水一大盂加老竹葉入
蜜少許同煎去滓時時呷之間與人參白虎
湯不一月復故

嘔血

棠谿李民範初病嗽血戴人以調胃湯一兩

加當歸使服之不動再以舟車九五六十粒
過三四行又嘔血一椀若庸工則必疑不再
宿又與舟車九百餘粒通經散三四錢大下
之過十餘行已愈過半仍以黃連解毒湯加
當歸煎服之次以草薤鼻中出血半升臨脫
又用益腎散利數行乃愈
東垣試效方

衄吐嘔唾血論

厥論云陽明厥逆喘咳身熱善驚衄吐血又

云足陽明胃之脉起於鼻又云溫淫汗出鼽
衄又云陽氣者大怒則形氣絕而血菀於上
使人薄厥又云怒則氣逆甚則嘔血故氣上
矣黃帝鍼經卷參暴瘧內逆肝肺相搏血液
鼻口取天府凡天府乃手太陰也又足少陰
腎之脉從腎上貫肝入肺中循喉嚨其病則
飢不欲食面黑如地色欬唾則有血夫氣者
陽也血者陰也氣者响之血者濡之今血妄
行上出於鼻口者皆氣逆也故經言陽明厥

逆怒則氣逆暴瘧內逆者是也分之則各有
所屬治之則各有所主如傷寒家衄血者仲
景言不可發汗蓋爲脈微也若浮緊者麻黃
湯浮緩者桂枝湯脈已微者二藥俱不可用
宜黃芩芍藥湯主之雜病謂見血者多責其
熱也如衄血出於肺以犀角升麻梔子黃芩
芍藥生地黃紫參丹參阿膠之類主之咯唾
血者出於腎以天門冬麥門冬貝母知母桔
梗百部黃蘗遠志熟地黃之類主之如有寒

者乾薑肉桂之類痰涎血者出於脾葛根黃
耆黃連芍藥當歸甘草沉香之類主之嘔吐
血出於胃也實者犀角地黃湯主之虛者小
建中湯加黃連主之血證上行或唾或嘔或
吐皆逆也若變而下行於惡痢者順也血上
行爲逆其治難下行爲順其治易故仲景云
畜血證下血者當自愈也與此意同若無病
之人忽然下痢其病進也今病血證上行而
復下行惡痢者其邪欲去是知吉也經云諸

見血身熱脉大者難治是火邪勝也身涼脉靜者易治是正氣復也故叔和云鼻衄吐血沉細宜忽然浮大卽傾危此之謂也
醫方大成

吐血

人身之血猶水行地中百川皆理則無壅決之患一身之間榮衛失調七情四氣相干氣血逆亂然後變生吐血欬血諸證夫血之妄行固由積熱所致然其證多端難以一槩而

論有因飲食過飽負重傷胃而吐者有思慮傷心并積熱而吐血衄血者有勞傷心肺又爲七情所干而咳血吐血者心主血肝藏之而脾爲之統過思傷脾亦能令人吐血治之須究其因傷胃者調胃安血勞心者補益其心志熱則清之氣鬱則順之傷脾則安之吐血之脉宜沉細不喜浮數吐而不咳者易治唾中滯紅線者難醫爲其有所損故也病之淺者惟有早灸膏肓而已致若肺生疽瘡從

高墜下一應傷折皆能吐血傷寒汗後不解
鬱結經絡隨氣湧泄吐血衄血又當從各類
求之

下血

人之滋養一身惟氣與血血爲榮氣爲衛榮
行脈中衛行脈外故心主血肝藏之而脾爲
之統貴於氣順則血調若內因七情并酒食
所傷外爲四氣相干則血氣逆亂榮衛失度
皆能令人下血若風入腸胃者其脈浮下血

必在糞前是名近血停積于大腸者其脈沉
滯血在糞後又名遠血臟寒者其脈沉微下
血無痛積熱者其脈洪數純下鮮血甚則兼
痛傷濕者脈沉而遲下血如豆汁又有因氣
鬱結酒色過度并過食炙膾因毒生蟲亦能
令人下血又當以五臟所傷辨其證治風濕
則祛之寒則溫之熱則清之停滯則疎滌之
氣則調之有毒者解利之下血之證非止一
端大槩血得熱而行遇黑而止用藥當審之

永類鈴方

雜病失血

通見腸風下血

血榮氣衛升降循環節宜失宜血不循經流注妄行然今有不因熱之所發蓋血得熱則淖溢血氣俱熱血隨氣上乃吐衄也血出一升一斗者皆外所因血本心所主肝所藏然脾亦為之統過思傷脾亦令吐血劉河間論或言嘔吐紫凝血為寒者誤也由熱甚銷鑠以為稠濁而火甚則水化制之故赤兼黑而

為紫也吐而不咳易治唾中帶紅線難治為其有所損也

脉

病證

治

芤為血

熱妄流

行叶血

須來寸

口形

耳中出血

三因龍骨散吹之芎歸湯加茆根入少塩同煎空心服隨血及衄出左右以新汲井水洗足效耳鼻口出血不止燒赤馬糞灰温酒調下一錢

失血骨
疼氣促
脈浮大
而牢難
治沉細
者牛大
更看大
衝脈在
否

鼻衄出血雞蘇元礪砂元心勝散御
榮衛失院射香散本事茜梅元濟
常衄家生犀角地黃湯茜根散天
不可汗門冬湯藕汁飲香墨汁三
因龍骨散加京墨或山梔
末活人黃芩芍藥湯四物
湯加栢葉大全良方四生
元醫說人中白旋盆中積
濂垢瓦焙乾調服薄荷以

咳而上
氣脈數
自熱不
得臥難
治

傷心吐衄

思慮大
過并積
熱

水煎動用帛包塞鼻中濃
磨香墨葱白蘸塞鼻灸項
後髮際兩筋間宛宛中三
壯止研蒜貼手足心

局方大阿膠元三因茯苓
補心湯簡易固榮散濟生
歸脾散天門冬湯芎歸湯
加酸早仁服生地黃汁效
虛損簡易一捻金散側栢

散脉小清心蓮子飲

傷胃吐血 簡易是齋白朮散濟生地

飲食負黃湯 加味理中湯 加

重過度 五味赤芍藥湯吐咳焙荷

色鮮紅 葉末米飲調下效 簡易

心腹絞 加減理中湯

痛汗流

肺疽咳吐 雞蘇元三黃元簡易必用

血飲啖 大阿膠元濟生大薊散雞

汗出若 衄脉小 滑生大 燥死

熱燥所蘇散本事天門冬元清肺

傷 湯加藕節桔梗生地黃肺

癰門桔梗湯等簡易黃芪

散扁豆散

傷損吐血 澤蘭散 選奇生地黃元

打撲觸 濟生奪命散 簡易集三

物隨跌 因加味芎歸湯 雞鳴散

內損

九竅出血 三因乳香散 冷醋湯調

京墨髮灰乳香

汗血吐血芎歸湯加人參黃芪龍骨

表裏虛防己黃藥等分 加小麥

極汗出煎食後

如衄

心肺受熱 大阿膠元必勝散 是齋

咳血 白朮散獨連湯敗毒散加

生地黃 暑毒枇杷葉散

服丹或燒 山梔燒存性搐鼻簡易三

丹而衄黃散天門冬元四味元

玉機微義 血證門

諸經敘血證所因

內經厥論云陽明厥逆喘咳身熱善驚衄吐

血溫淫汗出鼽衄 生氣通天論云陽者大

怒則形氣絕而血菀於上 氣厥論云脾移

熱於肝則為驚衄胞移熱於膀胱則癰溺血

舉痛論云怒則氣逆甚則嘔血故氣上矣

陰陽別論云結陰者便血 云云 鍼經云厥氣

生足惋惋生脛寒 云云 則後血 見積聚門 脉經云
下血先見血後見便此近血也先見便後見
血此遠血也

脉法

內經云脉來懸鉤為衄血常脉脉至而搏血
衄身熱者死 腸癖下膿血脉弦絕則死滑
大則生 血溫身熱者死脉經曰脉得諸澁
濡弱為亡血 脉來輕輕在肌肉尺中自浮
曰精暈黃衄必未止 太陽脉大而浮必衄

吐血 病人面無血色無寒熱脉沉 沉衄也

脉浮弱手按之絕之者下血 脉芤為失血

濇為少血 尺脉滑而疾為血虛 脉弦而

緊脇痛臟傷有瘀血 吐血唾血脉滑小弱

者生實大者死 唾血脉緊弦者死滑者生

腎脉小搏沉為腸癖下血心肝癖亦下血

論血證分三因

陳無擇云衄者因傷風寒暑濕流傳經絡湧
泄如清氣道中而致者皆外所因積怒傷肝

類聚 卷之四
四十七
積憂傷肺煩思傷脾失志傷腎暴喜傷心皆能動血隨氣上溢清氣道中而致者屬內因飲酒過多啖灸燻辛熱或墜墮車馬傷損致者爲不內外因 吐血者或因四氣傷于外七情動于內及飲食房勞墜閃傷損致榮血留聚膈間滿則吐溢世謂妄行或吐瘀血此名內傷

便血或清或濁或鮮或黑或在使前便後或與泄物並下此由內外有所感傷凝停在胃

隨氣下通亦妄行之類

尿血因心腎氣結所致或憂勞房室過度此得之虛寒不可專以血得熱而淖溢二者皆致尿血與淋不同

謹按衄血下血傷寒邪氣壅迫於經而致者故有之雜證見者多火熱所致或吐溢於空竅皆五志所動或陰分鬱熱或內外有所傷而成有寒邪者少如尿血因房勞者實由精氣滑脫陰虛火動榮血妄行亦

已上論爲虛寒恐未必然也若便血清者屬榮虛有熱濁屬熱與濕色鮮者屬火黑者火極與泄物並下屬有積或絡脉傷也並宜分治

論下血爲內傷絡脉所致

詳見積聚門

論嘔唾血溢爲氣逆所致

東垣曰經云怒氣逆甚則嘔血暴瘧內逆肝肺相搏血溢鼻口取天府穴又足少陰腎之脉從腎上貫肝入肺中循喉嚨其病則飢不

欲食面黑如地色咳唾則有血夫氣者陽也血者陰也氣主响之血主濡之今血妄行上出於鼻口者皆氣逆也故經言陽明厥逆怒則氣逆暴瘧內逆者是也

謹按悲氣勞氣等皆能致血證詳見氣門但怒氣致血證者則暴甚故經曰抑怒以全陰者是矣否則五志之火動甚火載血上錯經妄行也

論衄吐血泄爲火熱所致

原病式曰衄者陽熱怫鬱于於足陽明而上熱則血妄行鼻衄也 血溢者上出也心養於血故熱甚則血有餘而妄行或謂嘔吐紫凝血爲寒者誤也此非冷凝由熱甚銷燦以爲稠濁而熱甚則水化制之故赤兼黑而爲紫也 血泄熱客下焦而大小便血也衄衄血汚血山也汗者濁也心火熱極則血有餘熱氣上甚則爲血溢熱勢元極則燥而汗濁害承乃制則色兼黑而爲紫也

論衄血下血爲傷寒所致

成無已曰傷寒衄者爲邪氣不得發散壅盛於經逼迫於血則因致衄也桂枝湯麻黃湯治衄者非治衄也卽是發散經中邪氣令至畜衄者血在下焦結住而不行畜積而不散者是也血菀於上而吐血者謂之薄厥留於下而瘀者謂之畜血此由太陽隨經瘀熱在裏血爲熱所搏結而不行畜於下焦之所致經曰太陽病七八日表證仍在脈微而沉反

不結胃其人如狂者以熱在下焦少腹當鞭滿小便自利者下血乃愈傷寒例少陰證下利便濃血者桃花湯以固脫散寒補正許氏治少陰誤汗衄血及臍中出血用姜附湯治少陰之本陰證略例治三焦出血色紫不鮮此重杏寒濕化毒凝泣浸漬而成治要用黑

錫丹

方見直指方

按所論已上證皆寒邪之變病也至又有甚者如論云服桂枝湯吐血其後必吐濃

血又厥陰證傷寒六七日大下後寸脈沉而遲手足厥冷下部脈不至咽喉不利唾濃血泄利不止者爲難治宜麻黃升麻湯火邪亦咽燥唾血陽毒亦吐血皆變證之極者也非衄證之比大抵傷寒畜血下血爲傳變故下血衄血身涼乃愈其不傳變入裏邪氣不得發散逼迫於血因致妄行於下者爲逆下血必多不能止爲難治也

論結陰使血

衛生寶鑑云真定史十年四十二形體本瘦
秋時因勉強飲酸酒數杯少時腹痛次傳下
利無度待十餘日便後見血或紅或紫腹鳴
時痛諸醫以爲血熱用芍藥栝皮丸治之未
效仍不欲飲食食則嘔酸形體愈瘦面色青
黃不澤心下痞惡冷物口乾時有煩燥不得
安臥診時脉弦細而微遲手足稍冷經日結
陰者使血一升再結二升三結三升又邪在
五臟則陰脉不和陰脉不和則血留之結陰

之病陰氣內結不得外行無所稟滲入腸間
故便血也外灸中脘三里氣海等穴內服平
胃地榆湯而愈

按此治例實內傷法也宜與積聚門敘積
之始兼看

血屬陰難成易虧論

丹溪曰經云人年至四十陰氣自半而起居
衰矣又曰男子六十四而精絕女子四十九
而經斷夫以陰氣之成止供給三十年之運

用已先虧矣人之情欲無涯此難成易虧之
陰氣若之何而可以縱欲也

謹按或曰經云榮者水穀之精也和調五
臟酒陳於六腑乃能入於脉也源源而來
生化於脾總統於心藏受於肝宣布於肺
施泄於腎灌溉一身目得之而能視耳得
之而能聽手得之而能攝掌得之而能握
足得之而能步臟得之而能液腑得之而
能氣是以出入升降濡潤宣通者由此使

然也注之於脉少則瀦充則實常以飲食
日滋故能陽生陰長取汁變化而赤爲血
也生化旺則諸經特此而長養衰耗竭則
百脉由此而空虛可不謹養哉故曰血者
神氣也持之則存失之則亡是知血盛則
形盛血弱則形衰神靜則陰生形役則陽
亢陽盛則陰必衰又何言陽旺而生陰血
也蓋謂血氣之常陰從乎陽隨氣運行於
內苟無陰以羈束則氣何以樹立故其致

病也易調治也難以其比陽常虧而又損之則陽易元陰易乏之論可以見矣諸經有云陽道實陰道虛陰道常乏陽常有餘陰常不足以人之生也年至十四經行年至四十九而經斷可見陰血之難成易虧如此陰氣一傷所變之至妄行於上則吐衄衰涸於外則虛勞妄反於下則便紅稍熱膀胱則癰閉溺血滲透腸間則爲腸風陰虛陽搏則爲崩中濕蒸熱瘀則爲滯下

熱極腐化則爲膿血火極似水血色紫黑熱勝於陰發爲瘡瘍濕滯於血則爲痛痒癢疹皮膚則爲冷疽畜之在上則人喜忘畜之在下則人喜狂墮恐跌仆則瘀惡內凝若分部位身半以上同天之陽身半以下同地之陰此特舉其所顯之證者治血必血屬之藥欲求血藥其四物之謂乎河間謂隨證輔佐謂之六合湯者詳言之矣余故陳其氣味專司之要不可不察夫川

芎血中氣藥也通肝經性味辛散能行血
滯於氣也地黃血中血藥也通腎經性味
甘寒能生真陰之虛也當歸分三治血中
主藥也通肝經性味辛溫全用能活血各
歸其經也芍藥陰分藥也通脾經性味酸
寒能和血治虛腹痛也若求陰藥之屬必
於此而取則焉脾胃論有云若善治者隨
經損益摘其三味之所宜爲主治可也此
特論血病而求血藥之屬也若氣虛血弱

又當長沙血虛以人參補之陽旺則土陰
血也若四物者獨能主血分受傷爲氣不
虛也輔佐之屬若桃仁紅花蘇木血竭牧
丹皮者血滯所宜蒲黃阿膠地榆百草霜
棕櫚灰者血崩所宜乳香沒藥五靈脂凌
霄花者血痛所宜菘蓉瑣陽牛膝枸杞子
益母草夏枯草敗龜板者血虛所宜乳酪
血液之物血燥所宜乾薑桂者血寒所宜
牛地黃苦參血熱所宜特取其正治大略

耳以能觸類而長可謂應無窮之變矣

論治血證大法

東垣曰傷寒家衄血者仲景言不可發汗蓋爲脉微也若浮緊者麻黃湯浮緩者桂枝湯脉已微者二藥俱不可用宜黃芩芍藥湯主之雜病見血多貴其熱如衄血出於肺以犀角升麻梔子黃芩芍藥牛地黃紫參丹參阿膠之類主之咯唾血者出於腎以天門冬麥門冬貝母知母桔梗百部黃精遠志熟地黃

之類主之痰涎血者出於脾葛根黃芪黃連芍藥當歸甘草沉香之類主之嘔吐血出於胃也實者犀角地黃湯主之虛者小建中湯加黃連主之血證上行或唾或嘔或吐皆逆也若變而下行爲惡痢者順也血上行爲逆其治難下行爲順其治易故仲景云畜血證下血者當自愈也與此意同若無病之人忽然下痢其病進也今病血證上行而復下行惡痢者其邪欲去是知言也經曰諸見血身

熱脈大者難治是火邪勝也身涼脈靜者易治是正氣復也故脈訣云鼻衄吐血沉細宜忽然浮大即傾危此之謂也
余匱方

吐衄下血胸滿瘀血

吐血不止者栝葉湯主之

栝華湯方

栝葉

乾薑

各三兩 艾三把

右三味以水五升取馬通汁一升合煮取

一升分溫再服○是齋醫方青栝葉一杷乾薑三片阿膠二片炙右川水二升煮至一升去滓別絞馬通汁一升同和煎取一升絲濾過一服盡之

下血先便後血此遠血也黃土湯主之

黃土湯方

亦主吐血衄血

甘草

乾地黄

白朮

附子

炮

阿膠

黃芩

各三兩

竈中黃土

半斤

右七味以水八升煮取三升分溫二服

下血先血後便此近血也赤小豆當歸散主

之方見傷寒門

心氣不足吐血衄血瀉心湯主之

瀉心湯方亦治霍亂。王氏集驗方名三黃湯

大黃二兩黃連二兩黃芩各乙

右三味以水三升煮取一升頓服之○澹

寮方治吐血衄血用黃芩大黃黃連或曰

心既不足可更瀉心耶仲景曰若心氣獨

不足則不當有衄血也此乃邪熱因心不

足以客之故吐衄以苦泄其熱則以苦補其心蓋兩全之有是證者無不取効量虛實與之

千金方

吐血

稟丘云吐血有三種有內衄有肺疽有傷胃內衄者出血如鼻衄但不從鼻孔出是近從心肺間津液出還流入胃中或如豆羹汁或如切齧血凝停胃中因即滿悶便吐或去數

斗至一石者是也得之於勞倦飲食過常所爲也肺疽者或飲酒之後毒滿悶吐之時血從吐後出或一合半升一升是也傷胃者因飲食大飽之後胃中冷則不能消化不能消化便煩悶強嘔吐使所食之物與氣共上衝臍因傷裂胃口吐血色鮮正赤腹絞痛白汗出其脉緊而數者爲難治也問曰病胃脅支滿妨於食病至則先聞腥臊臭出清液先唾血四肢清目眩時時前後血病名爲何何以

得之對曰病名血枯此得之年少時有所大奪血若醉入房中氣竭而肝傷故使月事衰少不來也治以鷓鴣骨蘭茹二味并合丸以省卵大如小豆以五丸爲後飯飲以鮑魚汁利腸中及傷肝也凡吐血後體中似自掩掩然心中不悶者輒自愈假令煩躁心中悶亂紛紛嘔吐顛倒不安醫工又與黃土湯阿膠散益加悶亂卒至不濟如此悶者當急吐之

瓜蒂二分杜蘅一分人參一分

右三味治下篩服一錢匕或無水漿但得下即可羸人小減之吐去青黃或吐血壹二升無苦

黃土湯治吐血方

伏龍肝雞子大 桂心 乾薑 當歸 芍藥

藥 白芷 甘草 阿膠 芎藭 各一兩 生

地黃八兩 細辛半兩 吳茱萸二升

右十二味咬咀以酒七升水三升合煮取三升半去滓內膠煮取三升分三服亦治

衄血

又方治卒吐血及衄血方

伏龍肝半升 甘草 乾薑仲景作地黃 白朮 阿

膠 黃芩 各三兩

右六味咬咀以水一斗煮取三升去滓下

膠分三服仲景有附子三兩為七味

生地黄湯治憂恚嘔血煩滿少氣胃中痛方

生地黄一斤 大棗五十枚 阿膠 甘草 各三兩

右四味咬咀以水壹斗煮取四升分四服

日三夜壹

堅中湯治虛勞內傷寒熱嘔逆吐血方

糖斤芍藥各半夏各生薑各甘草各桂

心二兩棗五十枚

右七味咬咀以水二斗煮取七升分七服

日五夜二千金翼無甘草桂心有生地黃

治噫止唾血方

石膏四兩厚朴三兩麻黃生薑五味子

半夏杏人各二升小麥一升

右八味咬咀以水壹斗煮麻黃去沫澄取七升內藥煮取二升半分再服

治吐血胃中塞痛方

芍藥乾薑茯苓桂心當歸大

黃芒消各三兩阿膠甘草人參各二

麻黃壹兩乾地黄四兩蟲虫各八枚大棗

二十枚桃人百枚

右十六味咬咀以水壹斗七升煮取四升分五服日三夜二

治吐血內崩上氣面色如土方聖惠方名

乾薑聖惠方一兩炮裂到阿膠聖惠方搗碎柏葉各二

兩艾一把○聖惠方艾葉二兩

右四味咬咀以水五升煮取一升內馬通

汁一升煮取一升頓服仲景名栝葉湯不

用阿膠小品不用栝葉時後同○聖惠方

右件藥搗麤羅為散每服三錢以水一中

盞煎至六分去滓每於食後溫服

治吐血酒客溫疫中熱毒乾嘔心煩者方

蒲黃 犀角 栝萸根 甘草各二 葛根

桑寄生各三兩

右六味咬咀以水七升煮取三升分三服

澤蘭湯治傷中裏急胃脅攣痛欲嘔血時寒

時熱小便赤黃此皆傷於房勞故也

澤蘭 糖各一斤 桂心 桑根白皮 人參

各三 遠志二兩 生薑五兩 麻人壹

右八味咬咀以淳酒一斗五升煮取七升

去滓內糖食前服一升日三夜一勿勞動

治忽吐血一兩口或是心衄或是內崩方

鱗蠟五枚牛膝一王不留行一麥門

冬二兩革薺二芍藥二乾地黄四兩續斷二阿

膠各三兩

右十味咬咀以生地黄汁五升赤馬通汁

三升煮取三升分三服不瘥更合數劑取

瘥止

又方王氏集驗方熟艾三雞子許水五升煮

取二升頓服一經驗秘方水三盞煮一盞頓服簡奇方同

又方王氏集驗方燒亂髮灰水服方寸匕日

三服集驗云治舌上忽出血如簪孔者亦

治小便出血者集驗方又詩云肝家熱壅血如泉舌衄病源入少識

○聖惠方治吐血不止右以亂髮一兩燒

灰細研每服以溫水調下一錢肘後方舌

上忽出血者如簪孔者亂髮如雞子燒末

水服壽域神方若吐血及鼻血用頭髮燒

灰吹入鼻中立效水調服方寸匕亦妙

治虛勞吐血方王氏集驗方吐血衄血地黄酒生地黃肥者

五升搗以酒一升煮沸三上三下去滓頓服

又方王氏集驗方凡叶血服桂心末方寸七

日夜可二十服肘後云亦療下血集驗方

水調酒○千金月令主卒唾血方右取桂

心搗作末以水下方寸七聖惠方治卒吐

血不止方右以肉桂四兩去麤皮搗羅爲

末以糯米粥飲調一錢服日夜可十服神

驗亦治下血不止是齋醫方治暴吐血桂

末二錢水湯各半濃調約半盞許猛喫甚

者二服得效南陽趙宣德患服之如神其

甥亦吐血二服永安簡易方經

又方王氏集驗方生地黄九斤絞取汁微火

煎三沸投白蜜壹升又煎取三升每服半

升日三主胃痛百病久服佳

又方栝葉壹斤以水六升煮取三升分三服

王氏集驗方同經驗秘方簡奇方○聖惠

栝葉五兩水六盞煮叁盞分叁服

碎以水三大盞煎取壹盞半去滓分爲三

服

又方王氏集驗方生地黃汁半升川大黃末方一

七寸

右二味先溫地黃汁壹沸次內大黃攪和
空腹頓服日三瘥

犀角地黃湯治傷寒及溫病應發汗而不汗

之內畜血者三因方得效方及鼻衄吐血不

盡內餘瘀血大便黑面黃消瘀血方

犀角一兩生地黃八兩芍藥參兩牡丹皮二兩

右四味咬咀以水九升煮取三升分三服

三因方右爲剉散每服四錢水一盞半煎七分去滓喜妄如狂者加

大黃二兩黃芩三兩其人脈大來遲腹不

滿自言滿者爲無熱但依方不須有所增

加○朱氏集驗方治傷風澹寮方醫方汗

下不解鬱乾澹寮方經絡隨氣湧洩爲衄

或清道閉大成流入胃脘吐出清血及鼻

衄吐血不盡餘血停留致面黃大便黑犀

角銹生地黄白芍藥牡丹皮右等分咬咀

每服四錢水壹盞半大成煎至八分去滓

溫服不拘時如狂者大成如潮加黃芩大

黃其人脉大而遲腹滿但依本方不須加

減嚴氏臍生方同醫方集成南北經驗方

治五臟熱結吐血衄血方

伏龍肝雞子一枚生竹茹升芍藥當歸黃

芩芎藭甘草兩生地黃斤

右八味咬咀以水一斗三升先煮竹茹減

三升下藥取三升分三服千金翼有桂心

當歸湯治衄血吐血

當歸 乾薑 芍藥 阿膠二黃芩三

右五味咬咀以水六升煮取二升分三服

治土焦熱膈傷吐血衄血或下血連日不止

欲死並主之

艾葉 竹茹各壹升 阿膠如手乾薑二

右四味咬咀以水三升煮取一升去滓內

馬通汁半升煮取一升頓服取新馬屎

與少水和絞取汁一方不用竹茹加乾薑作七兩

治虛勞崩中吐血下血上氣短氣欲絕面黑如漆方

黃耆 芍藥 芎藭 甘草 四兩 生薑 六兩

右五味峻阻以酒五升浸一宿明朝更以水五升煮取四升分四服日三夜一下陰中毒如湯沃雪凡夏月不得宿浸藥酒客勞熱發痔下血其穀道熱者去生薑用生

地黃代之凡進三兩劑

竹茹湯治吐血汗血大小便下血方

竹茹 二升 甘草 芎藭 黃芩 當歸 各六兩

芍藥 白朮 人參 桂心 各壹兩

右九味咬咀以水一斗煮取三升分四服日三夜一

治九孔出血方 經驗秘方人有九竅四肢指岐間皆血出此暴驚所致

搗荆葉汁酒服二合 一本作荆芥

治吐血蠱毒痔血女子腰腹痛大便後出清

血者方取東向蕤荷根擣絞取汁二升頓服立瘥○聖惠方治卒吐血不止方右用東向蕤荷根一把擣絞取汁服之亦療蠱毒

赤小豆散諸下血先見血後見便此為遠血宜服黃土湯方見前七味仲景方是先見便後見血此為近血宜服赤小豆散方

赤小豆三升熬當歸三兩

右二味治下篩每服方寸匕日三〇三因

方當歸赤小豆散治先血而後便謂之近

血赤小豆五兩浸令芽出曬乾一法熬令折當歸一右為

末漿水服方寸匕日三四服玉機微義赤小豆浸出芽

當歸右二味為散漿水調服

乾地黄圓治血虛勞胃腹煩滿疼痛瘀血往來臟虛不受穀氣逆不得食補中理血方

乾地黄三兩當歸 乾薑 麥門冬 甘草

黃芩二兩厚朴 乾榛 枳實 防風 大

黃 細辛 白朮一兩茯苓五兩前胡六分人參

五 蠱蟲 各五
分 蠶蟲 十枚

右十八味為末蜜丸如梧子大先食服十
九日三稍加

麥門冬湯治凡下血虛極方

麥門冬

白朮

各四兩

甘草

壹兩

牡蠣

芍藥

阿膠

各三兩

大棗

二十枚

右七味咬咀以水八升煮取二升分再服

尿血

治房勞傷中尿血方

牡蠣

桂心

黃芩

車前子

各等分

右四味治下篩以飲服方寸匕稍加至二

七日三服

治小便血方

生地黃

八兩

栢葉

一把

黃芩

阿膠

各二兩

右四味咬咀以水八升煮取三升去滓下

膠分三服一方加甘草二兩

又方菟絲子

蒲黃

白芷

荆實

乾地

黃

酸棗

小品作敗醬

芎藭

葵子

當歸

茯苓各等分

右十味為末蜜丸如梧子飲服五九日三稍加至十丸

又方戎塩分六甘草 蒲黃 鹿角膠 芍藥

各二兩礬石兩參大棗十枚

右七味咬咀以水九升煮取二升分三服

又方胡麻三升擣細末以東流水二升漬一

宿平旦絞去滓煮兩沸頓服

又方龍骨為細末溫水服方寸匕日五六服

張文仲云酒服○肘後方末龍骨二寸匕

溫服之日三服衛生易簡方水調溫服之日二服差

又方酒三升煮蜀當歸四兩取一升頓服肘後

方衛生易簡方同

又方擣荆葉取汁酒服二合

又方煮車前根葉子多飲佳急救仙方車前子根葉多取淨

洗取汁頻服可通五淋

又方酒服亂髮灰蘇澄用水服

又方酒服葵莖灰方寸匕日三

又方刮滑石末水和傅繞小腹及陰際佳葛氏云治小便不通

又方豉二升酒四升煮取一升頓服

千金月令

主鼻衄方右以罐鑽作孔以水射病人項上四五度即止

主卒吐血方右以水服蒲黃一斤○聖惠方右以蒲黃半兩溫水調下未差再服肘後方卒吐血服蒲黃一升溫酒下王氏集驗

方名蒲黃散衄血蒲黃為末水調下壽域神方治咯吐血用蒲黃微炒為細末用藕汁一碗調三錢服三五次妙衛生易簡方治吐血唾血用蒲黃壹兩每服三錢溫酒或冷水調下

治血變白方

乾椹各五兩 神麴各五兩 仙靈脾 地骨皮各三兩

乾地黃四兩

右五味細搗篩為丸以蜜和如桐子大每

日空腹暖酒下五十九忌食諸白物爲上
聖惠方

治吐血諸方

夫心主血肝藏於血是以愁憂思慮則傷心
恚怒氣逆上而不下則傷肝肝心二藏俱傷
故血散不止若胃中氣逆則嘔而出血也
治吐血心胃氣逆疼痛宜服伏龍肝散方

伏龍肝二兩生乾地黄二兩芎藭半兩當歸半兩桂
心半兩赤芍藥兩白芷兩細辛三分甘草一分微

赤判

右件藥擣籠羅爲散每服五錢以水一大
盞入竹茹一鷄子大煎至五分去滓放溫
頻服效

治心熱吐血不止黃芩散方

黃芩壹兩地榆一兩玄參二兩茜根二兩寒
水石一兩麥門冬二兩川升麻二兩犀角屑
一兩甘草一兩炙微赤判

右件藥擣籠羅爲散每服五錢以水一大

蓋入竹葉二七片煎至五分去滓每於食後溫服

治吐血此皆由藏氣虛氣上衝所為宜服黃者散方

黃耆剉 白芍藥 芎藭 當歸 桂心

黃芩 甘草炙微赤剉已

右件藥搗麤羅為散每服五錢以水一大盞入竹茹一雞子大煎至五分去滓每於食後溫服

治吐血并衄血不止紫蘇散方

紫蘇二兩 桂心一兩 生乾地黃二兩 阿膠一兩搗碎沙令

黃當歸兩 牛膝一兩去苗

右件藥搗篩為散每服五錢以水壹中盞煎至五分去滓每於食後溫服

治心肺熱盛吐血不止宜服地榆散方

地榆半兩剉 栢葉三分 甘草半兩剉 吳藍三分 黃

芩三分 刺薊一分

右件藥搗麤羅為散每服四錢以水一中

蓋入青竹茹一分煎至六分去滓分於食後溫服

治吐血立効方

白蒲薄紙五張燒灰

右將紙灰以水調頓服之立差

治吐鮮血方

紅錦三寸

右將錦燒灰研爲末水調服之差

治吐血及鼻衄不止方右以伏龍肝二兩川

新汲水一大盞淘取汁入蜜一匙攪勻頓服之○肘後方伏龍肝半升以新汲水一大升淘取汁和蜜頓服

又方右以烏賊魚骨搗細羅爲散不計時候以清粥飲調下二錢

又方生刺薊三兩生地黃五兩

右擣絞取汁入白蜜一兩煎三五沸不計時候溫服

又方右以生葛根擣絞取汁每服一小盞宜

頻服以止為度○肘後方治心熱吐血不
止生葛根汁半大升壽域神方半大碗
衛生易簡方一盞頓
服立差

又方右以刺薊根葉搗絞取汁壹中盞分為
二服相次服之衛生易簡方用小薊葉及
根搗汁每服一小盞溫服
亦治
瀉血

治卒吐血諸方

夫卒吐血者由心肺二藏壅滯暴熱所傷或
飽食飲酒勞損所致也心肺在於上膻俱主

於血若為邪熱所傷則血下入於胃胃得血
則壅悶氣逆故卒吐血也

治卒吐血不止甘草散方

甘草剉生用白朮 阿膠搗碎炒乾薑炮裂

黃芩已上各一兩伏龍肝合一

右件藥搗麤羅為散每服三錢以水一中
盞煎至六分去滓不計時候溫服

治卒吐血皆因心肺暴熱熱毒入胃致吐不
止宜服生乾地黄散方

生乾地黃二兩黃芩一兩阿膠二兩甘草二兩

生用栝葉壹兩犀角屑一兩刺薊一兩

右件藥搗篩為散每服三錢以水一中盞

入青竹茹一雞子大煎至六分去滓不計

時候溫服

治勞傷或飽食氣逆致卒吐血不止宜服雞

蘇散方

雞蘇莖葉壹兩黃耆壹兩甘草壹兩乾薑半兩

炮裂艾葉半兩阿膠壹兩黃燥壹兩

右件藥搗篩為散每服三錢以水一中盞

煎至五分去滓入赤馬通汁一合攪令勻

不計時候溫服

治卒吐血不止方

生地黃汁一大盞黃明膠一兩黃燥壹兩

右件藥搗膠細羅為散內地黃汁中以瓷

器盛於一斗米飯甑上蒸之候飯熟分為

二服甚者不過再劑

又方右以葛粉細研用新汲水調下三錢

又方右濃煮雞蘇汁飲之以多為妙亦療下

血佳

肘後方同

又方桂心二兩羊角壹枚炙

令黃焦

右件藥擣羅為末不計時候以糯米粥飲

調下二錢

又方黃連末一兩

右於銚子內先鎔黃臘一兩內黃連末攪

調稍凝分為三丸以糯米粥化一丸服之

日盡三丸差

治吐血不止諸方

夫吐血不止者由心肺積熱飲酒勞傷之所

致也肺為上蓋心肝俱主於血若上膈壅滯

邪熱傷於諸藏則血下流入於胃中胃得血

則滿悶氣逆故吐血也或有飲食大飽未能

消化心胃壅悶強吐之所食之物與氣上衝

心肺傷裂胃口則令吐於鮮血又有藏腑勞

損氣血不和思慮憂愁恚怒氣逆結滯於胃

膈之間傷損於肺肝心之藏則血流散故令

吐血不止也

治吐血不止心胃煩熱宜服茜根散方

茜根二兩 白芍藥三兩 麥門冬三兩 雞蘇葉三兩

剉 小薊根二兩 青竹茹四兩

右件藥搗篩為散每服三錢以水一中盞

煎至五分去滓入生地黃汁一合攪令勻

不計時候溫服

治吐血不止立效羚羊角散方

羚羊角屑三兩 伏龍肝五兩 熟艾一兩 地榆二兩

牛膝二兩 牡丹二兩 白芍藥四兩 生乾地黃二兩

栝葉二兩 大薊根三兩 雞蘇葉一兩 蟬螬五枚

炙 黃

右件藥搗篩為散每服三錢以水一中盞

入生薑半分煎至六分去滓溫服

治吐血不止地榆散方

地榆一兩 淨洗 白芍藥一兩 阿膠三分 搗碎

甘草一分 艾葉一兩 小薊根一兩

右件藥搗篩為散每服三錢以水一中盞

煎至六分去滓不計時候溫服

治心熱吐血不止紅藍花散方

紅藍花二兩伏龍肝一升以水二升半浸濾取汁亂髮灰

膏甜竹茹三兩

右件藥擣篩為散每服三錢以伏龍肝水一中盞煎至六分去滓頻頻溫服

治吐血不止刺薊飲子方

刺薊汁 生地黃汁 生藕汁 童子小便

已上各二合赤馬通汁一合

右件藥都利命勻每服一小盞頻頻溫服之

治吐血不止宜服鹿角膠方

鹿角膠一兩又黃為末生地黃汁一升二合

右件藥同於銅器中盛蒸之令膠消分溫二服

又方右以白藥一兩旋燒地赤安之以物合定不得泄氣良久取出擣細羅為散每服以粥飲調下一錢

又方茜根一兩

右以淡漿水一大盞煎取半盞去滓溫服之

治嘔血諸方

夫心者主血肝者藏血愁憂思慮則傷心志怒氣逆上而不下則傷肝肝心二藏俱傷故血流散不止氣逆則嘔而血出也

治嘔血頭疼壯熱徧身疼痛四肢煩悶宜服刺薊散方

刺薊兩 雞蘇葉半兩 青竹茹一兩 麥門冬兩
心半 白茯苓兩

右件藥搗麤羅為散每服三錢以水一中盞生薑半分煎至六分去滓入生地黃汁一合攪勻不計時候溫服

治嘔血久不差心神煩悶藏腑勞傷宜服竹茹散方

竹茹一團如雞子大 白芍藥半兩 當歸半兩 茜根二兩 羚羊
羊角屑一兩 甘草一兩炙 生乾地黃半兩 麥

門冬一兩半 鹿角膠一兩

右件藥搗麤羅為散每服三錢以水一中盞入生薑半分煎至六分去滓不計時候温服

治傷中胃裏攣痛欬嘔血出時寒時熱小便

赤黃此是勞傷所致宜服黃耆散方

黃耆一兩 阿膠一兩 生乾地黃一兩 當歸一兩 桂心一兩 遠志壹兩 人參壹兩 麻人一兩 桑根白皮一兩

右件藥搗篩為散每服三錢以水一中盞入生薑半分煎至六分去滓不計時候温服

治憂恚嘔血煩滿少氣胃中疼痛宜服阿膠散方

阿膠二兩 搗碎甘草一兩 微赤剉

右件藥搗細羅為散每服三錢以水一中盞入生地黃汁二合煎至七分和滓温服又方右以栝葉搗羅為散不計時候以粥飲

調下二錢 肘後方同

又方右以荆芥擣細羅為散不計時候以生地黃汁調下二錢

治吐血衄血諸方

夫口鼻之中俱出血者由因勞熱而成是以血者本屬於心經脈流行不暫停滯一關不利百病俱生或有憂悸之所因或有卒驚之所致此皆食飽過度飲酒勞傷壅滯積穢於心胃熱毒熏蒸於肝肺藏腑既蘊邪熱則血

流散上行故令吐血而兼鼻衄也

治吐血衄血此為內損或勞傷所致宜服竹茹散方

青竹茹 兩一 白芍藥 兩一 芎藭 兩一 桂心 兩一 生乾

地黃 兩三 當歸 兩壹 甘草 兩半 赤芍 兩壹

右件藥擣篩為散每服三錢以水一中盞煎至六分去滓不計時候溫服

治吐血衄血至一斗不止宜服麥門冬飲子方

生麥門冬汁合五生刺薊汁合五生地黃汁合五

右件藥汁相和於銀鍋中略煖過每服一小盞調伏竜肝末一錢服之

治吐血衄血藕汁飲子方

生藕汁合三生地黃汁合三牛蒡根汁合二生蜜

匙一

右件藥汁調和令勻每服一小盞細細飲

之

治止血衄血不止鬱金散方

鬱金 木香 飛羅麵 黃蘗剉已上汁各一兩

草一兩半炙微赤剉

右件藥搗羅爲散以生地黃汁一大盞旋旋拌藥後焙令乾又拌之令地黃汁盡爲度再擣細羅爲散不計時候煎青竹茹湯調下二錢

治吐血衄血立效雞子白丸方

雞子白三筒好香墨二兩

右件藥擣墨細羅爲末以雞子白和丸如

梧桐子大不計時候以生地黃汁下十九
治吐血衄血或發或止背心藏積熱所致宜
服黃芩散方

黃芩 一兩去心中黑腐

右搗細羅爲散每服三錢以水一中盞煎
至六分不計時候和滓溫服

又方伏龍肝 一兩

右搗細羅爲散不計時候以蜜水調下二
錢

又方貝母 一兩炮

右搗細羅爲散不計時候以溫漿調下二
錢

治吐血衄血積日不止方

新羊血

右熟飲一二小盞卽愈慎勿刺羊取血神
道不祐當無差也

又方石榴樹根下地龍糞 不限多少細研

右以新汲水一中盞調三錢飲之卽差

又方楮葉

右搗絞取汁不計時候服壹小盞

又方人中白

右細研為散入少許麝香相和以少許吹入鼻中立效

治唾血諸方

夫唾血者由肺傷故也肺為五藏之華蓋其體輕虛怕熱而惡寒則易為傷損也若或邪熱之氣伏留在藏傷於經絡致榮衛否澁胃

隔壅滯故令唾血也

治肺藏壅熱痰唾內有血咽喉不利宜服雞

蘇散方

雞蘇莖葉

壹兩

赤茯苓

壹兩

甘草

半兩

炙半夏

半兩

壹兩湯洗

桔梗

一兩

去

生乾地黃

二兩

黃耆

壹兩

壹兩麥門冬

壹兩去心焙

右件藥搗麝羅為散每服五錢以水一大

盞入生薑半分煎至五分去滓每於食後

溫服

溫服

治嘔血不止胃膈煩痛宜服伏龍肝散方

伏龍肝二兩桂心一兩當歸一兩赤芍藥一兩白芷

一兩芎藭一兩甘草一兩微赤剉細辛半兩生乾地黄

四兩阿膠二兩擣碎炒令黃燥別杵為末

右件藥擣篩為散每服五錢以水一大盞

煎至五分去滓放溫入阿膠末一錢攪勻

每於食後服之

治唾血不止胃膈氣悶宜服石膏散方

石膏四兩麻黃二兩去根節五味子二兩杏仁二兩

湯浸

去皮尖雙人雞蘇莖葉二兩半夏七兩湯洗

去妙微黃右件藥搗籠羅為散每服五錢以水一大

盞入生薑半分小麥五十粒煎至五分去

滓每於食後溫服

治熱傷肺藏唾血不止方

生乾地黄四兩阿膠二兩擣碎蒲黃二兩

右件藥擣篩為散每服三錢以水一中盞

入竹茹一雞子大煎至五分去滓每於食

後溫服

治心肺藏熱壅致唾血白茅根散方

白茅根一兩 犀角屑三分 刺薊根一兩 黃芩

兩 桑根白皮二兩 紫苑壹兩 洗去土

右件藥搗麤羅為散每服四錢以水一中

盞入竹茹一分煎至五分去滓入生地黃

汁一合更煎三兩沸每於食後溫服之

治吐血日夜不止白前散方

白前二兩 桑根白皮二兩 桔梗壹兩 去甘

草壹兩 炙微赤

右件藥搗篩為散每服三錢以水一中盞煎至六分去滓每於食後溫服

又方生乾地黄四兩 黃芩壹兩 栢葉壹兩 阿膠二兩 搗碎

炒令壹兩 甘草壹兩 炙微赤 黃耆二兩

右件藥搗細羅為散每於食後以糯米粥

飲調三錢服之

治憂恚絕傷胃膈疼痛及虛勞唾血地黄煎方

生地黃汁五升

右於銀鍋內以慢火煎至三升又入白蜜一升酒一升却煎至三升每於食後溫溫服小半盞

治吐血口乾諸方

夫吐血口乾者由藏腑虛竭榮衛不理陰陽隔絕陽虛於上故身體虛熱胃中否澁則口乾也

治心肺客熱吐血唇口乾燥宜服杏人散方

杏人

湯浸去皮尖雙

赤茯苓

黃連

去鬚梔

子人

黃芩

川大黃

剉碎微炒已

桂心

半兩 菰蘆根 三分

右件藥搗篩為散每服三錢以水一中盞煎至六分去滓不計時候溫服

治心肺壅熱下膈不利吐血口乾宜服犀角散方

犀角屑

一兩

黃芩

一兩

人參

壹兩

去

生乾地黄

一兩 麥門冬

一兩

菰蘆根

一兩

杏人

二兩

湯浸

人麩炒

甘草

半兩

微黃

赤剉

水

中

類聚 卷之十 外品

右件藥搗篩為散每服三錢以水一中盞煎至六分去滓不計時候溫服

治心胃煩熱吐血不止口舌乾燥頭疼宜服石膏散方

石膏二兩 甘草半兩炙 麥門冬二兩 黃芩

川升麻 生乾地黄 青竹茹 菴藪根

葛根已上各一兩

右件藥搗篩為散每服三錢以水一中盞煎至六分去滓不計時候溫服

治肺熱吐血口乾心躁宜服生地黄煎方

生地黄汁升一 生薑汁合一 白蜜合五 生麥門冬

汁合三 酥合五 白沙糖三兩 杏仁三兩 湯浸去皮

右件藥都煎成膏不計時候服半匙含化

治心熱吐血口乾方

生藕汁合二 牛蒡汁合二 生地黄汁合二 小薊根

汁合二 白蜜匙一

右件藥相和攪令勻不計時候細細呷之

類聚 卷之十

差

又方右用刺薊葉及根搗絞取汁每服一小
蒸頻服即止

治舌上出血諸方

夫舌者心之候心氣通於舌而主於血也若
藏腑壅滯氣血充盛則經絡否塞榮衛不行
致邪熱毒氣搏於心經流於血脉血得熱則
妄行上注於舌故令舌上出血如涌泉也
治舌上忽出血如簪孔者方

生乾地黄 二兩 鹿角膠 二兩

切 燒碎 炒令黃燥

右件藥搗細羅為散每於食後以糯米粥
飲調下二錢

又方巴豆

壹枚 燒灰

亂髮如雞子大

燒作灰

右件藥同研令勻以酒調頓服之

又方黃連

半兩

黃蘗

半兩

梔子人

二七枚

右件藥細剉以酒一大盞浸一宿早晨煮
三五沸去滓放溫頓服之

治舌上黑數孔出血如涌泉兼心腹痛方

戎塩 黄芩 黄蘗 去蘆皮到 川大黃 到碎人

參 去蘆頭 甘草 生用 桂心 已上各一兩

右件藥搗羅為末鍊蜜和丸如梧桐子大每服以温粥飲下二十九兼用三兩丸於

舌上以燒鐵烙之

治舌上忽出血如簪孔者方右濃煮香莪汁

服一中盞日三服

又方右用鼓一升水三升煮取二升去滓每

服壹小盞温温頻服之○瑣碎錄鼓壹合

水壹椀煮數沸温服一盞亦治下血 經驗良方

同肘後方鼓三升水三斗煮三沸去滓服

壹升日三冬每温之姚內

治舌上出血如泉方

右燒鐵筋熟烙孔中良

治九竅四肢指歧間出血諸方

夫榮衛大虛腑藏傷損血脉空竭因其恚怒失節驚忿過度暴氣逆溢致令腠理開張血脉流散也凡九竅出血喘欬而上氣其脉數

有熱不得卧者難治也

治九竅四肢指歧出血方

青竹茹兩半 生地黃一兩 蒲黃兩半

右件藥以水一大盞煎至六分去滓每於

食後溫服

又方蒲黃一兩 竜骨一兩

右件藥都細研為散每服以糯米粥飲調

二錢服之

治卒九竅出血肘後方九竅四 暴驚所為方

右用新生犢子未食草墮地臍屎曝乾為

末水調服一錢日四五服愈肘後方衛生

出血亦差

又方經驗秘方良方九竅 右以井華水卒然

喫其所患人面勿使病者先知其血即止

良方又云潘助教嘗用此治衄血如神

又方右用生地黄汁一升生薑汁一合相和

溫服肘後方 一小盞日四五服肘後方不

法許令公服效

治小便出血諸方

夫心主於血與小腸合若心藏有熱積滯不散流注於小腸故小便血也下部脉急強巢氏病源者風邪入於小陰則小便出血尺脉微而芤亦尿血也

治小便出血皆因心藏積邪毒流於小腸宜

服生乾地黄散方

生乾地黄二兩 芎藭二兩 黄芩二兩 赤芍藥 茅根 車前 人參去蘆 甘草生用 已上各一兩

右件藥擣篩為散每服五錢以水一大盞入青竹茹一雞子大煎至五分去滓溫溫空腹服之

治因虛損小便出血栢葉散方

栢葉 黄芩 桂心 阿膠擣碎炒 熟乾地黄已上各一兩 甘草半兩到生用

右件藥搗篩為散每服五錢以水一大盞煎至五分去滓溫溫頻服

治下元虛憊尿血鹿茸丸方

鹿茸

酒洗去毛塗酥炙令黃

當歸

生乾地黄

冬

葵子

微炒已上各二兩

蒲黃合一

右件藥搗羅為末鍊蜜和搗三二百杵丸如梧桐子大每於食前以炒鹽湯下二十丸

治小腸積熱因尿血出方

蒲黃

二兩

鬱金

二兩

生乾地黄

三兩

右件藥搗細羅為散每服以粥飲調下三錢日三四服

治勞損傷中尿血牡蠣散方

牡蠣

燒為粉

車前子

桂心

黃芩

熟乾

地黄

白龍骨

燒令赤已上各一兩

右件藥搗細羅為散每於食前以粥飲調下二錢

治因行路傷熱卒尿血方

川大黃末

半錢 川芒消末

半錢

右件藥相和以新汲水調頓服立止治小便出血方右以亂髮燒作灰細研每服

以溫水調下半錢

又方右以益母草搗絞取汁每服三合溫溫服之

又方右以棘刺五兩以水二大盞煎至一大盞去滓食前分溫二服

又方右以蒲黃末每以粥飲調下一錢
又方右以車前葉搗絞取汁每服三合衛生易簡

方五合每於食前服之易簡方亦治五淋
治大便下血諸方

夫大便下血者此由五藏傷損藏氣既傷則風邪易入熱氣在內亦大便下鮮血而腹痛冷氣在內亦大便下血色如小豆汁出而疼時不甚痛前便後下血者血來遠前下血後便者血來近遠近者言病在上臆下臆也令人面無血色時寒時熱脉浮弱按之絕者下血也
治大便下血此皆因藏氣虛傷腹中疼痛宜服桂心散方

桂心 赤芍藥 芎藭 當歸 黃芩已

各一兩 甘草半兩炙

右件藥搗篩為散每服三錢以水一中盞

入青竹茹半雞子大煎至六分去滓空腹

及晚食前溫服

治大便下血久不止宜服地榆散方

地榆剉 赤芍藥 生乾地黄 茜根剉 竜

骨 黃芩 雞蘇苗已上各一兩

右件藥搗篩為散每服三錢以水一中盞

煎至六分去滓每於食前溫服

治大便下血不止宜服此方

赤芍藥 阿膠搗碎炒 當歸已上各一兩 甘草

半兩炙 微赤剉

右件藥搗篩為散每服三錢以水一中盞

入竹葉二七片煎至六分去滓每於食前

溫服

又方生乾地黄

二兩 阿膠二兩搗碎 白欬五兩

右件藥搗篩為散每服三錢以水一中盞

煎至六分去滓每於食前溫服
治大便下血皆因心肺積熱流注大腸宜服
生地黄散方

生乾地黄二兩 黃芩 赤芍藥 黃連去鬚 蒲

黃 地骨皮已上各壹兩

右件藥搗篩為散每服五錢以水一大盞
入竹茹一雞子大煎至五分去滓頻溫服
之

治大腸積熱下血不止日夜度數無恒宜服

黃芩散方

黃芩 黃蘗 黃連去鬚 生乾地黄 地榆

剉犀角屑已上各壹兩

右件藥搗篩為散每服三錢以水一中盞
入青竹茹半雞子大煎至六分去滓每於
食前溫服

治內傷風冷大便下血不止宜服熟乾地黄
丸方

熟乾地黄 竜骨燒赤 黃耆剉 紫蘇子微炒 蒲

黃當歸 附子炮裂去皮 艾葉微炒 白礬燒令

汁阿膠搗碎炒令黃燥 枳殼半兩麩炒

右件藥搗羅為末鍊蜜和搗三百杵丸

如梧桐子大每日空心及晚食前以粥飲

下三十丸

和劑局方

必勝散治男子婦人血妄流溢吐血衄血嘔

血咯血

人參去蘆 蒲黃微炒 小蘗并根用 小蘇并根用 熟乾

地黃 當歸去蘆 烏梅去核 芎藭各壹

右為龜散每服五錢水一錢半醫方大成

經驗方袖珍方永類鈔集成南北 煎七分温服不拘

時候

大全本草

梅師方肺疾唾膿血取薏苡仁十兩杵碎以

水三升煎取一升入酒少許服之

陳藏器云屋茅主卒吐血細剉三升酒浸煮

服一升

陳藏器本草云小薊破宿血止新血暴下血
血痢驚瘡出血嘔血等絞取汁溫服

小薊生搗根絞汁飲以止叶血衄血下血皆
驗大薊根苗與此相似但肥大耳而功力
有殊破血之外亦療癰腫小薊專主血疾
初虞世治肺痿咯血多痰防已葶藶等分爲
末糯米飲調下一錢

孫用和治陽毒入胃下血頻疼痛不可忍鬱
金五箇大者牛黃壹皂莢子別細研二味

同爲散每服川醋漿水一盞同煎三沸溫
服

勝余方治吐血天南星壹兩剉如豆大以爐
灰汁浸一宿取出洗淨焙乾搗末川酒磨
自然銅下一錢愈

陳藏器云琥珀止血生肌合金瘡和大黃鼈
甲作散子酒下方寸匕下惡血婦人腹內
血盡卽止

廣利方治瀉血不止木賊十二分切以水一

升八合煎取八合去滓空心温分二服如
人行五里又服

簡要濟衆治吐血斛葉不拘多少搗末一服

二錢水壹盞煎取五七分并滓服

唐本註云人尿主卒血攻心被打內有疼血

煎服之壹服壹升又主癥積滿腹諸藥不

差者服之皆下血片塊二十日即出也亦

主久嗽上氣失聲

日華子云吐血鼻洪小便和生薑一分絞汁

并壯健丈夫小便一升乘熱頓飲差

食療止吐血咯血黃明膠一兩切作小片子

炙令黃新縣一兩燒作灰細研每服一錢

匕新米飲調下不計年歲深遠並宜食後

卧時服

梅師方治吐血不止燒白馬糞研以水絞取

汁服一升

子母秘錄治血氣逆心煩悶滿心痛燒水牛

角末酒服方寸匕

患暴下血以葫五十枚去梗皮量多少入豆豉搗爲膏可丸卽丸梧子大以米飲下五六十九丸無不愈者

經驗方治嘔血膠膠長八寸闊二寸炙令黃刮二錢已來用甘蔗節三十五箇取自然汁調下

梅師方治熱毒下血或因食熱物發動以赤小豆杵末水調下方寸匕
斗門方治失血紫蘇不限多少於大鍋內水

煎令乾後去滓蒸膏以赤豆炒熟杵爲末調煎爲丸如梧桐子大以酒下三十九至五十九丸常服之差

三因方
三因吐血證治

病者諸血積聚合發爲衄而清氣道閉濁道湧溢凝停胃中因卽滿悶吐出數斗至于一石者名曰內衄或因四氣傷于外七情動于內及飲食房勞墜墮傷損致榮血留聚膈

間滿則吐溢世謂妄行

桂枝括搗湯治傷風吐血五苓散治傷暑吐

血除濕湯治傷濕吐血三方並見鼻門

金屑丹治三因吐血及衄血下血一切血溢

妄行

葉子雌黃

右一味為麤末入棗肉內線繫定滿著湯

煮用黑錫對雌黃斤兩鎔作汁傾入湯煮

壹日添湯候冷取出雌黃洗淨乾研為細

末却以煮藥棗肉和丸如梧子大每服五

七丸黑錫煎湯下

傷胃吐血證治

病者因飲食過度傷胃或胃虛不能消化致

翻嘔吐逆物與氣上衝臍胃口決裂所傷吐

出其色鮮紅心腹絞痛白汗自流名曰傷胃

吐血

理中湯能止傷胃吐血者以其功最理中脘

分利陰陽安定血脉方證廣如局方但不出

吐血證學者當自知之

人參 白朮 甘草 炙白姜炮各等

右為剉散每服四錢水壹盞煎七分去滓不以時服或只煮乾姜甘草湯飲之亦妙簡易方見養生必用方同

肺疽吐血證治

病者因飲啖辛熱熱燥傷肺血得熱則溢因作嘔吐出血壹合或半升許名曰肺疽傷於府則屬胃傷於臟則屬肺右以此分不可不

究二灰散治肺疽吐血并妄行

紅棗和核燒存性 百藥煎煨各等分

右為細末每服二錢米湯調下簡易方同

折傷吐血證治

病者因墜閃肭致傷五臟損裂出血停留中腕臟熱則吐鮮血臟寒則吐瘀血如豆羹汁此名內傷治之各有方加味芎藭湯治打撲傷損敗血流入胃腕嘔吐黑血或如豆羹汁

川芎 當歸 白芍藥 百合水半日 荆芥

穗各等分

右為剉散每服四錢水一觥酒半觥同煎

七分去滓不以時服簡易方得効方同

折傷瘀血證治

病者有所墜墮惡血留內或因大怒肝血并濕停蓄不散兩脇疼痛脚善癢骨節時腫氣上不上皆由瘀血在內治之各有方
雞鳴散治從高墜下及木石所壓簡易方此下有打撲

所傷凡傷損血瘀凝積氣絕欲死并久積四字瘀血煩躁疼痛叫呼不得並以此藥利去瘀血即愈此藥推陳致新治折傷神效

大黃二兩酒蒸 杏仁三七粒去皮尖

右研細酒一盃煎至六分盃裂去滓鷄鳴時服次日取下瘀血即愈若便覺氣絕不能言取藥不及急擘口開以熱小便灌之

得效方同

病餘瘀血證治

病者或因發汗不徹及吐衄不盡瘀蓄在內
 使人面黃唇白大便黑脚弱氣喘甚則狂悶
 皆瘀血所致治之各有方問以疑小則當之
 犀角地黄湯方見千金方待血消愈後則宜服
 汗血證治蓋血至六分則變去新機則
 病者汗出正赤汚衣名曰汗血皆由大喜傷
 心喜則氣散血隨氣行婦人產褥多有此證
 葎草汁治產婦大喜汗出汚衣赤色及膏淋
 尿血

葎草 不拘多少

右搗取汁二升醋二合和空腹飲一盃或
 濃煮汁飲亦治淋瀝尿血得效方同

便血證治

病者大便下血或清或濁或鮮或黑或在便
 前或在便後或與泄物並下此由內外有所
 感傷凝停在胃隨氣下通亦妄行之類故曰
 便血

伏竜肝湯治先便後血謂之遠血兼治吐衄

伏龍肝一斤甘草炙白朮阿膠乾地黄

千金方作乾姜○黃芩各三兩

右為剉散每服五錢醫方大水一盞煎七

分去滓空腹溫服壹法有附子三兩炮入

大成虛者加附子醫方集成南北經驗方袖珍方永類鈴方與大成同微義右吹咀

每四五錢水煎服

風痢下血證治

病者因風停於膚腠乘虛入腸胃風動血故便清血或下瘀血注下無度名曰風痢古方

以此為蠱痢非也

胃風湯治大人小兒風冷乘虛入客腸胃水穀不化泄瀉注下及腸胃濕毒下如豆汁或下瘀血日夜無度

人參 白茯苓 芎藭 桂心 當歸

白芍藥 白朮

右等分為剉散每服四錢水一盞半入粟米百餘粒同煎七分去滓空心稍熱服

料簡

夫使血有腸痔蠱毒熱痢酒痢血枯肺痿等
別有門類其如風痢亦當在痢門以純下清
血故附于此不可不知

尿血證治

病者小便出血多因心腎氣結所致或因憂
勞房室過度此乃得之虛寒故養生云不可
專以血得熱為淖溢為說二者皆致尿血與
淋不同以其不痛故屬尿血痛則當在血淋
門髮灰散治小便尿血或先尿而後血或先

血而後尿亦遠近之謂也

髮灰

本草云能消瘀血通關絡利水道破
癥瘕癰腫狐尿刺尸疰雜瘡療轉胞

通大小便止
咳嗽鼻衄

右壹味每用二錢以米醋二合湯少許服

服井花水調亦得

玉機微
義同

兼治肺疽心衄

內崩吐血壹兩口或舌上血出如針孔若

鼻衄吹內立已一法椶櫚燒灰米飲調下

大治大小便下血又宣法同葵子等分為

末飲服二錢治轉胞尤妙

澹寮方云一方
加蜀葵子炒為

末米飲調下一方恐難喫蜜丸米飲吞下○得效方自己頭髮壹握洗淨燒灰溫酒調下壹服立效肘後方服亂髮灰方寸匕直指方小便出血
 氣秘氣秘則小便難其痛者謂之淋
 不痛者謂之尿血頭髮燒存性為末新汲水調下妙壽域神方用髮燒灰每用二錢以米醋二合湯十合空心食前調服衛生易簡方治小便尿血并肺疽鼻衄吐血用髮燒灰每服二錢米醋二合湯壹盞調服

者 玉屑膏治尿血并五淋砂石疼痛不可忍受

黃芪 人參 各等分

右為末用蘿蔔大者切一指厚三指大四五片蜜淹少時蘸蜜炙乾復蘸盡蜜二兩為度勿令焦炙熟點黃芪人參末與不以時仍以鹽湯送下
澹寮方玉機微義同

醫方類聚卷之八十四